

СУЛАЙБАН РАБАДАНОВ

НИЖЛА МУШЛУКЪЯ

Назмурти



Махачкала Дагучпедгиз 1989

НикІа мушлукъя

— Хала неш, чарухъунра
Даг ну шагъарлизивад;
Сайсидра иш савгъатра
НикІа мушлукъязибад.

Сай ГІяли ГІялиевра
ВикІи хІела Лукъмайзи:
— Лев хункІада Лукъманра
НикІа мушлукъябазив . . . —

.. КІили набра хІелбариб:
КІатІа кьулсни кагахъиб;
Амма хІела Лукъмайзи
ХІяйна някъ ахъбарахъиб.

АхІен гъай иличила.
Гъай сари гІяйсначила;
Апгъан Гъани ихав наб
Къаршиикниличила.

Гъанис къяшра барилри,
ГІяйснира лайдакІилри;
Циилаван улкІули,
Багълали ганзикІулри.

... Чиларил някъла декІдеш
Гъанаур хъуцІарличиб...
ГІяйсни агарси Гъани
ХІегъурра гъаланачив...

Сунени ну вагъурра;
— Молодец, Лукъман! —викІи.
— Мурт биалра чемпион
ХІура ветаруд, — викІи.

ВикІи: «Мушлукъябала
Абзаначи хІерикІес
Гъачам нура вакІира,
Биркур или хІу чеэс.

Спортсмен сайра ну,
Дарра мушлукъядешра;
Илди багаладиуб
Итар Кабуллизирра...

«МушулвяхІес» чебуркъуб
Ца гъакІли кІел душмайчил,
Амма ну Гъаничира
Чекъур автоматличил...

ХІура ит хІуйчив ахъси
Русланра къалтинничир,
ГІямал гъархІебизурли,
СархІели терсдешличил,—

Лукъман, Лукъман, къяш буца!—
Или вавра викІира,
ХІела гъарил гъарбизлис
Ахъли хъатра викІира.

Дила мякъла кайибси
Боксер Шагънавазлизи—
«Их къудукъгъуна Лукъман
Дила шан сай, викІира . . .»

Гъайгъай, Апгъан Гъанила
Нуни тІама хІергъира;

Ца лихІи гІянцІа сайра
Или бархъдеш бурира.

Гъай ахІен иличила,
Гъай сари гІяйсначила.
Буришав ну укирал
Апгъан Гъанили чина?

Хъарбаркъ лебси саб или,—
Арукира тукейзи,—
Хала дудешли гІяйса
Аса ибси саб набзи.

Дилара ца гъай бакІиб
Сенрил илаб Гъанизи:
— Дила хала нешлара
Къяш леб дягІла изайзиб. —

ХІебиалли, мушлукъя,
ХІела хала нешлисра
Унцукул някъишчебси
Нуни гІяйса исисра...

Асиб, хІера, иш гІяйса.
Хъарбарибси хъумхІертур.
Гъанили сунна гІяйсни
Шагъарлизир дархъдатур.

Илала савгъатличил
ВакІибсира ну хІечи;
Рашес хІеришира
ГІяйсала кумекличил?

ЖагІял хъубяхІрумала
Байрам саби шилизиб,
Тилади леб, хала неш,
Лукъманна гІурра хІези:

— Сецад къяш изаллира
Иш гІяйсала икѡайчил,
ЖагІял ляркѡяд сеннира
ХІура хѡубяхІрумачи.

Ногѡай унци дукІлиу
Дабгили дуразличил,
Цаибси гѡаршиахѡу
АтхІеблизиб нушачиб.

Гѡаршиахѡу — бегІлара
Урибси хѡубзарлизи;
ЖагІял гѡаршиахѡули
Саби Баркат-азизи.

Баркат-ази, хала неш,
Сай хІела хала дудеш;
РакІи ил тямадала
Чебаэс вяхІшаладеш.

Гѡай ахІен иличила;
Гѡай—Апгѡан Гѡаничила.
Дуразлис гІергѡи бирар
Бугѡен шанда урчила.

ЖагІял кайрар ,хала неш,
Тракторла кѡакѡличи
Сунна цаибси мурда —
Гѡани кайрар иличи.

Ил жагѡил тракторист
Някѡбазир ярагѡличил
Кумекбарес дуравхѡун
Афгѡанистан узбачи.

Душмантала кѡур ибгес
Керхур ил гѡазализи,

Къяш агарли чарухъун
ХІурхъазибси шилизи.

ЖагІял хъубяхІрумала
Шаласи байрамличи
Боенком лявкъуси сай:
Гъанис шабагъатличил.

Биршу «ХІунтІена зубар»
Чулахъла михъирличи,
Ляркъяд хІура хІерризес
Ил къугъал суратличи.

Гъай ахІен Гъаничила
Сари байрамличила;
Кинора биру, бикІар,
Халкъла гІядатличила.

Баркат-азила дураз
БекІбирар гъарш бетаэс,
Гъанила шанда бугъа
БекІбирар бугъен каэс.

Гъаршиутас гІеларад
ГІянжила къалми урцар,
КъацІ сархути гъубзнала
Разити тІамри урцар.

ГІур дехІдирхъур абзани,
Зумадирар хІязани,
Хъарсла удир делхъ диру
Илар Баркат-азини.

Гъанна делхъ дарес вирус
ВикІули сай Гъанира;
Белики, делхъ дариши
Илар хала нешлира?

Гъай ахІен иличила,
Сари гъай нушачила;
Спортлизи ахъибти
НикІа наслуличила.

ДурадулхъехІе нуша
Майданна кьалтинничи;
ХІела Лукъманра вирар
Мушлукъяби дурхІначил.

Ну мушулвирхІухІели,
РакІи, ца хІерэс набчи,
ХІела хІер мушулвяхІес
Наб бирар икъалачи.


Гъалабра бурра хІези,
Ляркъяс рикІади набзи,
Риасли бархъбатахъес
Къяш иза чебилслизи.

Гъанна ил бархъбалтахъа —
Хъарахъи гІяйсаличи;
ЖагІял савли, хала неш,
Ляркъяд хъубяхІрумачи.

Шила дублар дуцІдиру
Дузаб сархахъес урчи.
Чейахъу пагъливанта
Гъунарти гъаяличир.

ДуцІра булхъан, тІяхІбикІар,
Къаркъа иргъу, ахъбурцу;
Чи чедиикаллира,

Тямадаба някъ бурцу.
Зайдулхъахъа чугурти,
Чугурчиба, чянгчиба,



ДучІа дарган далуйти
Далайчиба, делхъчиба.

Гъай ахІен илдачила,
Сари ну Лукъмайчила;
ХІушала наслу-къурла
НикІа мушлукъячила.

Диги мушул вяхІили
Хала нешли чеили,
— Дила мушлякъя Лукъман!—
Или ахъли бурили.

Ляркъяд, бура ляркъяду
ЖагІял хъубяхІрумачи,
Хъарахъили багълали
ГІяйсала хъуцІарличи?

— РакІес рирусу гъатІи.—
РикІар рухъна Лукъмайзи,—
Рахли хІу кайкахъадли,
БекІ къухІбурцахъид набзи.

— Цали ну кайкахъасли,
ЦархІил нуни каркахъис,
Лебтани кайкахъасра —
ХІела гІяйиб чекайсис.

Балбикесгу, хала неш,
Кайкахъалра чили чи.
ГІяйиб бируси ахІен
Кайкибси мушлукъячи.

Итути саб, хала неш,
ГІяйибтала гІяйсначил,
Къакъгъабли кабизурти
ГІяхІгъабза-спортличил!

*Даргала мезла хІурпри
багъи-багъирабачил
гъибандилизи ахъес
дакІиб никІа дурхІначи*

АвцІанну урегга хІярп
Лер даргала мезлизир,
Гъари илди цацали
ДурчехІе авидлизи.

АвцІанну урегга нарт —
Дубурлан дарган дурхІни—
Алипунала алав
КабалтехІе нушани.

БехІбирхъехІе гъибанди
Багъи-багъирабачил...
ЛехІахъирая гъари
ДурхІнала жавабтачи.

А

—ДуцІрум дуцІдухъи ляркъян,
Нуша дикъес цІакъ ляркъян,
Шанда далуйта дучІес
Нушачи миршби ляркъян.

— Ил миршличил Манарши
Аркъясра диршес ар...

* * *

—КуртІбяхІили заклизиб
Леб дила шалал бузи;
Иличи ну хІербикІус

ДуцІарти дуцІрумлизиб:
Бузила чурми—нурла.
Дила—бухъутІ дарайла.

— БерхІила бузис ГІяллай
ВикІусра: — аллай-

Б

— Савлила сягІятлизиб
АрхІяли дурабулхъас,
Ванзалис саламличил
Заклизибад къяйцІбулхъас:

Ну белхІунхІели релхІес
Азгъинриубси ЖулхІи
Чераргъахъес нурличил
ДяхІлизи гилдибулхъас.

— Ил дигеси гилдили
Чериргъахъура ЖулхІи;
ЖулхІила далай урцар:
— Мурталра ухаб! —

* * *

— Гъалмагъдеш лер чарличил,
Уртахъдеш — хъитІаличил,
ЦІала агълу лехІихъур
Далайла тІамаличи.

— Ил далайчи Рабада
Бургар, марлира, бар .. .

В

Заб диалли—букІуйчиб
Бирус ну дуки-гъуйчиб.

Заб агархІели бирус
Гарасла къялиличиб.
—Магъдили ил багъ-багъи
Багъурра—лебну вар.. .

* * *

РустІам наб пастІан викІар,
Халдуз наб харбуз викІар,
ЦархІил у бихъибсира
ХІуша-ургав лев бикІар.

— Лукъман-никІа мушлукъя
ВикІус—бикъурси вя....

Г

—Дила у хІебалуси
Тяп силтІагъуна ПайтІа
Набзи шин картІухІели,
Наб рикІар биштІал кІалтІа.

НукІун кІалтІа ахІенра.
Лебси саб дила ура,
Баладлира—ил бура,
ХІебаладлира — бура.

—БиштІал кІалтІалис ХІяжи
ВикІули вирар :— га....

* * *

— Урхъули хъурабиру,
Ругертани гардбиру,
Тяп ца шилацада халкъ
АрхІяличи жибиру.

—Ириъра вякъун Амин
Чебаэс халал га.....

ГЪ

— Ну закиб дакІубирус,
ХалабикІус. гъуршбикІус,
Забли бирцІус, декІбириус,
Вава-къарлис бацІбириус.

Багъира багъес Багу
Ахъриуб : Саби гъа

* * *

Гежбачил абзур бархІи
Гъябжаличиб дуцІбикІус,
Хъябличиб жибжирбухъи
Агъ, жагали зайбикІус.

— Дила гежба агара.
Гудег леб, — викІар Карим.—
Илала хъябличира
Биршис нуни гъай

* * *

— Мягъяйли хъусбяхъясли,
Чеди-чеди абицІус,
Мягъяй набчи мурдали
Ціухкабухъи кабицІус.

— Ил багъирализивси
Агара ишав Мягъяй,
Лерра ишар ЖумягІяй,
ЖумягІяйлара леб

ГЪ

— Ветарахъис пагъливан
Чи ветацІалра набчи,

Ил цІуцІла делхъли улхъан
Гъамадли гъаваличив.

—Балас,— рикІар Магъия,—
Илис дикІехІе :—

* * *

Дигарцад жагасира,
ДуцІлизибра кунксира,
Ну жайран хІебиасра,
Жайрантала жинслара.

—Дубри вякъун ХІясантай,
Чебаэс бикиб гъин . . .

ГІ

—ГІямал булъахъа дила
Дай бекІлизи бирхъули,
ХІейгуси мерличира
Гуж-гужли кабирхъули,

Рахли къардван бухъасли,
Келпатай кам ирхъули.

—Илис мурталра ГІябдул
ВикІули вирар :—

* * *

—У муснала мезличил
Шурмачил лякъирбикІус,
КІалтІаби-гажинтачил
Жагали шивкІивбикІус.

—Ила ши ужес вашус
Гъар бархІи ГІябдулГІязиз.
Удатурра кІел бириз,
Жагабарес ил

Д

—Савли ил далайбикІар,
«Шила манкъушра» бикІар,
Къанни чебургъутала,
Чебаргъес хІейгутала

Улкъайтази дарайла
Дуклумачил къутІбикІар.
— Къалабаиркур Агъа
Хъули жибарес да . . .

* * *

—Хала нешла някъбазиб
Ну жургъбикІус, бабзбикІус,
ГІур къикІа бетаурли,
Тяп тапван журугбикІус.

—Динди диру Куругълис
Хала нешла дуру. . .

* * *

— Гъарахъси гъамбиранти,
Гъамси гъарахъбиранти

—Илди лерси Маннаба
Илдас рикІар дур

* * *

—ТІамали хІелукъуси,
Баргра шанглацад лебси,
Дирхъес бурсидиубти
Дергла кІел тІерхъа лерси.

— Левра ну ишав адам—
Бяхъяс балуси ил

Е

—Къакъмуш урчи тѣйличи
Муртрил мурдаватурра,
Мурдаватурсила у
Сен сабрил хъумартурра.

—Иванушка, буришав:
Бурили биаб: —Ерш . . .

* * *

—Дарган дугъби набчирад
Дехъдирхъули сар камти,
Амма илди дахъал лер
Е-ла икъайчи хъарти.

Гуми сабра кІел хІярпла—
Се сабил бетаурра.
Ца бархІи унзаличи
Еписай чедихъира.

—Умхъу барахъес Магъдис
Гъанбикиб илди мегъ . . .

Ё

— Сагаси дус бакІайчи,
Чинаб сабил ну бирус.
Сагал дус бакІибхІели,
ДурхІначил гъунибиус.
Дила хъар къамаличиб
Зубарира абулка.
МуцІурла вегІ ухънани
Чебуцес бургу хІяка.

—Нуша дурхІнала улка
Илис дикІехІе— Ёл

Ж

—Хабурта бугъус хІези
Мурт касасра някъбази.
Мурхъики набзи — виуд
Дагърила мягІдунтази.
Нугъуна гьалмагъ варгес
Къасбара гІямрулизив,
Марти хабурта бугъус
ИмцІаливан дурхІнази.

— ХІу дигуси лев Навруз.
Чис белчІес хІейгахъу ...?

* * *

—Ветухъи сай миъличив
ТІашла делхълизи Шайху,
Ил делхъчи вамсурхІели
Кисалав хъули арху.
—Яни, — викІар Пирбудагъ,—
Сабалтасра жинжи

З

— Заблис гІергъи тІавузли
Баршиб закиб музари.

—Ил музарилис ГІясхІяб
ВикІули вирар: — зур

* * *

—ХинкІи дарес хала неш
Анкъилар алавулхъан,
ХинкІла тІемла тІашкъяна
Набчи баэс дуцІбулхъан.

Чекайсис ил багъандан
ХІункъала бяхъянира,
КІуцІул-къямла мякълаб ну
БекІла ахъли тІашлира.

—ХинкІи диган РабигІя
Илис рикІусра :—зуб . . .

И

—Нуша зяхІматчибира,
Нуша шагъарлантира,
ПирхикІла чІалубачил
Хъулри чедирхъутира.
ДатахІелли диштІал жан —
ДиргалахІелхъутира,
Дякъунти дукъбачирад
Чардухъес балутира.

— Илди далас Умали —
ЗяхІматчи -ими

* * *

Къаякъ ахІен — кІуртІбирхІур:
Хъулибра гъаргалабра,
Бемжахъурли канира,
Хъусбяхъили къуйрукъра.

—Палтар риштІал Татули
Гъалагдиру иту . . .

Й

БекІра шайчи буцили,
Къуйрукъра ахъбуцили,
ДуцІбикІус майдунтачиб,
ХІихІила далуйтачил:

Ял-къама думхІяхъуси
Нешлис гІелахІебухъес,
БецІла кецІа кахбарес
Къяшма цІа пархдохъахъес.

Тамай ватухъун Мутай:
—ИлкІун саби дила

К

Дубуртира хІуркІбира,
ХъанцІ урхънира улкнира.
Шимира шагъуртира,
ВацІурбира миъбира.
Гъундурала дукъбала
Ранг-рангла гъимиртира
Дучили Кариматли
Дунъяцад къалтин бершиб,
Кункси ил къалтинничил
Тавханала бяхІ баршиб.

Ил багъира багъурта
Ахъли иб: — Кар. .! Кар. .!

* * *

—ХІура тІярхъубар сабри,
Бургуд хІу дила бузи,—
Улалис цацахІели
БикІес дигахъу набзи.
АхІенра бикІус нура
ТІярхъубала талхъайзи,
Бузи биадри — хІура
КабицІади шанглизи.

Багъира багъес ХІяшим
Валкъаурли, иб: — ка

КЪ

ЗурхІябла ранганачил
Чибара хІева набчиб.
Урцулра ну вавначи
Дарайла дуклумачиб.
ПухІялаван кунксира,
Амма гІямру къантІсира.
МицІир жан гЫмхІевкІахъес
АкІубла мяхІкамсира.

Пикриухъун Къадаран:
—Марли бургар къаб

* * *

Хала неш лер карилар
КъацІ дуцІули рархили,
Чуду-хинкІцад хамирдам
Леб къямлизиб убкали.
Се берцІес вара, улас,
Илизибадли ГІяжас?

—Сен ГІяжас? Ну— Хадижас.
Набра дигахъис къя

КЪ

Къалабали къеликІес
НухІкъади вализалли,
БехІ бялчахъа — цІумбулхъас.
БекІлил къелхІебикІасли,
ЦІуба кагъарла кІапІи
Бешили — ну цунбулхъас.

—ХІебебшахъес лев Салам,
КъелбикІуси леб . . .

* * *

Баракатла тахличив
Багъали дурхъал Батир.

Ил Батирлис Цибацра
РикIус цIулхIера къа

КІ

— Ну БатIила къакъличиб
Къакъбачи мешусира.
МилигхIели ши бужес
ГинзибяхI башусира.
Ну БатIили, милигти
ЦархIилтира лебхIели,
Илди бутIала барес
Хъулира бихусира.

Лер БатIи ахIи БатIа
Гелайхъули ил кIа

* * *

—Хала нешла курлизиб
Нура балбикибсира.
ДуцIрум ну хIедерцIибта
Шин дархли бирцIусира,
Яни дуцIли дакIибмад,
ДурхIнас бацIбирусира.

—Илис викIар Албури:
Хъярба бирцIуси кIу . . .

Л

—Гиргурира салтIули,
ДукIлауб ну къумбикIус.

Дурсрачи къалабати
ДурхІначи саламбикІус;
Набчилара илдани
БучІуси далай бакъес,
Школала хъалчличи
Кабиэс гъалакбикІус.

—Ил багъирала ургъур
Буцес Лагъбайра багъур,
КІапІи леб дила гъалаб,
Сурат бирис ла. . . .

* * *

—Ахъ дубурла шимази
Урцуси леб ца арцан,
Ункъли бучІути дурхІни
Гъар мерлаб гъалмагъбурцан.

ХІурпра хІеръиб дурхІначи.
ДурхІна ахъли иб: — Лачин. . . !

М

—Вавналара къарлара
Къалтинтачи хІяздухъи,
Хъалибаргли берхъибси
Хъулибад дурабухъи,
Ихъис далайбикІули
Арцурли хІяна хІурхъи,
Хъулибти шадбирахъис
Чакарличил чарбухъи.

Багъира багъурхІели,
Ибахъли тІул ахъбуциб,
«Зив Зив!» — или пишяхъиб:
—Нушалара лер ми

* * *

—Амиршиххѡа гѡаргалаб
Тѡайчиб зурхѡяб лямѡѡбикѡар,
Кѡанрубас ва кѡакѡбунас
Дуѡѡрум ил далайбикѡар.

—Ил зурхѡяблис Тѡштемир
Арши иршан викѡар.

Н

—Мухѡли леб — гѡайхѡебикѡус,
Хѡулби лер — хѡерхѡебикѡус,
Кѡяшми лер— ганзхѡебикѡус,
Нѡкѡби лер — гѡакѡхѡебикѡус,
Набчи хѡекѡли мешути
Биштѡатачи гѡаббикѡус,
Илди хѡулбуркѡахѡули,
Хѡязлизи гѡелабиркус;
Набчил хѡязтабиркѡути
Дурхѡни дамсурра бикѡар,
Бамсхѡебамсурси нура
Бусаахѡес гардбикѡар.

— Вари хѡу гѡиммабуркѡуд
Илдигѡунти дурхѡначи,
Илдада ургав нура
Левра, — викѡар Будайчи.—
Риштѡал Чамсис бедира
Архѡели дила на

* * *

Дунѡяличир ца сари,
Гѡарилла лерси сари.
Ил дурхѡнас ванзаличир
Шаласи берхѡи сари.

— Ил нушала неш сарп,
ХІулбала шала сари!

О

— КІилизанти алкІули
Бираргу хІурпралара,
БегІла халаси хІеркІла
Нуша кІилизантира.
Илдазибад ца нура,
Аммаки алгъайчира.

Бурес ахъриуб Бика:
— Алгъай хІеркІ саби О . . .

* * *

— Нуни мез хІедаласра,
Гъункъя гъунчиуршисра,
— Гъуйчи дуралхъан ГІяббас,
Касес хъумхІерту ком

* * *

— Шанда бугънала нура
ЦІакъра сабра уркІира.

— Ил балуси лев Шатур:
УркІилис бикІар мо . . .

П

— Хала-халатазибад
БегІла халаси нура,
Варгъила дуклумицад
Лер дабз-дабзти лихІбира.
Сурсурбухъунси къянкъли
Гушбиасли—балхулра.

Кѣл парта кадарцесцад
Дила диркъси къакъличи
Алипуни дяркъурти
ДурхІнира кабалтулра.

— Илис викІус ХІянапи:
— ХІябал сандугцада . . . !—

* * *

— Нушачиб ил хІебашар,
Вякъяцад хиви дашар.

— Ил ахъси галга Салмай
Бала, саби ил паль

* * *

— Ца хъулиб, ца бурхлиуб
Даршалцад марзла узи.
Ца бикъес цІакъ цализиб,
Шям алкес — цархІиллизиб.

— Узбала хъайс-тІакъалис
Пи викІусра Идрис.

III

— ХІерели ну бекІличиб,
Дугели — къярдаличиб.
Харчванизур Халипа:
— Ил саби дила къа

* * *

ЧІяхІбитІунси чархла бегІ,
Цуб арцла палтарла бегІ,
ЦархІилти галгубала

ЦахІели — кІел ула бегІ.
Ахътерек викІар Гебек,
Се рикІара Чумиздаг?

— Ахътерек рикІаси даг,
Гъанна рикІус пІялпІя

* * *

ЧигІя касиб Залкипли,
МутІрус касиб ГІялкипли,
ЧигІялис тІама «асиб»
КІелра алавбакІили.
ГІур ура тикрибариб
Чизилра ил хІебуриб.

— Илдани, — рикІар ЗилпІи, —
ЧІапайлис бедиб зи

Р

— Чум лерал балхІебалас,
Ну цулбар биъни балас.

— ГІягІнили саби Къарас
Уркъули берчес ил

* * *

— ЦІала ламила мурда
Заки гъуцІси дузабчи,
Дила ял-къама дуца —
Виуд хІу зубартачи.

— Дирхена Чаракличи
Урцус раке

* * *

—Къаламла балликъяна,
Шинкъядирхъла бархкъяна.

— Балбиркур Гіяжабика
РикІасли илис ру

С

— Хивцад баэс дигули,
Хивла мякъла гугбирус,
Хив — къямцІализи биркус,
Ну — цулби-урга биркус.

— Ил хивла тухумлис ну
Серминаз рикІус : — сир

* * *

— Ну някъличибра бирус,
БяхІлизибра тІимкъбикІус,
Буслусуни белхІехъес
ЛихІбази зингъ-зингъбикІус.

Лебил дурхІна бусягІят
Ахъли иб: — Ся . . . ! !

* * *

Сандукцада къакъла бегІ,
Сункицада бекІла бегІ,
Къумурцад качІала бегІ,
Варъаличи дуцІла бегІ.

—Циркличиб,—рикІар Шалка,—
Делхъли булхъи ил си

Т

— Дянг итабяхІ, ишабяхІ,
Тяп Мустапас дигнабяхІ.
— Бурасли, —викІар Манап, —
Баргбердахъиб дила . . .

* * *

— Цалра ганз кахІецІили
Гъаряхъси гъуни ихъан,
Чус гъибанди дигути
Мякълабван гъайбулхъахъан,
ЛихІби сахъси къуллукъчи,
УркІи лехІси гузетчи.

— Ил ургакъянас Сайбун
ВикІусира: — теле

* * *

— ХІу хІед дигуси мерла
Мурдали виахъуси,
Шагъар-илхъила тази
Ургъурлизибад батси.
— Балас ургъур агарси,
Такъсин викІусира: — так . . .

ТІ

— ХІяжатсира биштІатас —
ДяхІ-някъ дирцес дигутас.
ХІяжатсира халатас —
Палтар дирцес нешанас.
Ахъиуб ПялисултІан:
— Хала нешла лер кІел тІа . . .

* * *

— Гѣла хъулиб гІямзилаб
Геркабухъи гудег леб.
Ил гудегла канилаб
Гебеккъизла гІебка леб.

— Ил нусила хъайс Вагъаб
ВикІули вирус тІа . . .

* * *

— Дай хъулив даим тІашси
Нарт — хъуцІруми дягІуси.
Бурх бихІусилис ТІантІал
ВикІус: — саби къяца тІ . . .

* * *

Гъуни хъумарти, ваца,
Хала нешла хивачи,
Ил рякъи чаррухъи лер
Ца хъярбукан устачи.
Лерну се сарил хили,
ГІяшлизира рархили,
ХІу бурцахъис рикІули
Чина сарил кайхъили.

Багъира багъес Халикъ
Валкъаур: — Даласра тІи . . .

У

— Къярдаличи абицІус,
Сункилизи кабицІус.
Някъ ахъбиуб Бахула:
— Нушала лер кІел

* * *

— ГѣркІусира ну сабра,
Ибхъусира ну сабра,
Ну арц хІебиаслира,
Кисалаб бирусира.

— Шайхули кахІебирхъу
Кисализи ил ум . . .
Дурсрачи аркьухІели
Унзалиу кабирхъу.

* * *

— Ца вякьярай-хямкарай
Удиб гъанкІли бусули,
Ца хямкарай-вякьярай
Чедиб делхъли булхъули.

— ШяхІ ва МяхІ — кІилизанти
Илдас бикІар урх

* * *

— Урчила дуцІла ари
Чизибал бура гъари.
Ил бургар Набизибра,
Амма бургар набзибра.

— ХІезиб саби, ургъ . . .
ВикІусра хІед Багъадур.

Ф

— Дилаван хъяб гѣркъаси
МицІираг ахІен лебси.
Земфира балас рикІар,
Хъяб гѣркъайс жир . . . бикІар.

* * *

— Вавни сарра нушара,
Вавни даим мицІирти.
ДурхІни дагъричеббарес
Халализи дучибти.
Ил хала, ил хазнала
Ура леб, улкара леб,
Улкала вакилтала
ХІуша алав къушум леб.

— Ил улкалис Алпият
РикІуси сар :— алфа

Х

— Хала нешана нура
Карилаб буцІусира.
Се сабил бура, Амир?
— Тяп берхІигъуна ха

* * *

— Хапли гъанкІлизивадли
Чеваргъибси Асхабар
Усаахъес хала неш
Се сабил бура викІар.

— Асхабар ахІентира
Хаб . . дигахъантира

* * *

— Масхуртачи вашунси
Лев ца дурхІя, ца Юнус,
Дила у балукъи, наб
ВикІули вирар:— кактус.

Гъайэс сасиб ихтияр,
Пишванвяхъиб Бахтияр:
— Занзиагар биалра.
Кактусличи хІябилра
Мешуси бирар къалли
Помидор ахІи хи

ХЪ

— Нуйчивра хъярхъси делхъчи
АхІейцІур урхамличи,

— Балуси левра ЛатІип,
Ил делхъчи саб хъярхъяр . . .

* * *

— Дуруг агара дила
КІазла гъимирти дирис,
Гъаваличиб гъаршбикІес
Тавхана-гъаршдукІ бирис.

— Къистамайзи бурахъа,
Ил къалтинчи саб хъис . . .

* * *

Диркъани увяхІихъур,
БукІун набчи хъарихъур.
Ахъ дубри чевяхІихъур,
БукІун набчи хъарихъур.

Мусахъайра пишяхъиб:
— Дила дудешла хъяй . . .

ХЪ

— ДигІянбиркус сапуйзиб,
ГІур дакІубирус шизиб.

Гъу, гъанна, Шамхал, хІуни
Багъирала мегъ абхъа.

— ИнжитхІейули ибхъис.
— Шизиб ахъбирар хъам . . .

* * *

СуратдикІес дамсурли,
Бамсриахъес дигули,
Сари някъла дуцибти
Сариятлис дулгули,
—Ца бекІ-чархла ранг-рангла
Узби кадицІур набзи.

— КадицІур рикІар Марзи,—
Дила къаламди

XI

—Ну агарли уркура
Чиналра архІекура.

—ХІулайлира ил бала.
Чили хІебала хІу . . ?

* * *

— ДургІелаб ил тІашбалта
Баракатла ракета.
—Илди ракетабала
Уста дудеш лев дила,
Ракеталис ТавсултІан
ВикІули виар хІен . . .

* * *

— Чар хІебиасра нура
Ил чарла пегълачира,

Шанда дебш чІумадарес
Музабулхъан набчира.

— Тавкъали гъургъа къаркъа
Баргили, бариб хІун . . .

Ц

— Ну лебсира раслара
Итуси жершилара,
Сецад халал биалра,
Лебсира ну кІаслара.
Ил дебали изули
Лебсири Идрислара,
Бикира къямцІализи,
ЛайбакІира тІаслизи.

— Ил багъиралис жаваб
ХІядурли леб Хисула;
БусягІят кабикибси
Дила хъатлаб леб

* * *

Хала букІуй дурзамлис
Гъаббашахъан гъабкъянай,
Белсла мукукурала
Бурав заки аркъянай?

— Ца мургъила ца арцла
Мукукури къя

* * *

— ЦабехІти цІерцІ бикІалра,
Леб дила цархІил ура.
— Баласра Издагли ил,
БикІар илис цІузд

* * *

— Тамаличил акІубли,
Шалаличил тІинтІбиран,
Заклара ванзалара
ДигІяндеш гІячикъбиран.
ЧяхІ-забла къирилизиб
Перкъл къяртІалала бегІ:
Дубагарси заклизиб
Авадан арила бегІ.

Заки хІеръиб ГъалбецІли:
— КаххІейрус къукъу-лямцІ . . .

Ч

Хъулибси пукъализи
Чарбулхъасра хІеблизиб,
Кани цІуб къуйрукъ кьицІти
СадилтІас пукъализир.
Да кІентІличиб чинтІла регІ,
Дуклumi-нудбала регІ.
Ахъриуб зунтІра ЧатІа:
— Ил саби мисри ча

* * *

— Мячайтичевси Чурлай
Ласбирули вамсайчи,
Чакмачевли Чамкурли
Биур, тІашаа айчи,
Амма тІашаа хІейру
Дис цІали чярхІбикІайчи,
Нуни милиги ахъес
Дужути шин керхайчи.

Харчванризур Ханича:
— Нушалара лебгу ча . . .

ЧІ

— ХІурхъази урцусира,
ХІулбазир саркъибсира,
Арцантала тайпала
Ахъси тахличибсира.

— РикІусра Халумчакар
Илис дубурла чІа . . .

* * *

— Чи валикалра гъалав
Наб диргалахІелхъуси,
Дила гъуни буцили
Бирус ну хъусбашуси.

— ДиргалахІелхъас ЧІалай,
УрухІусра ну чІи

ІІІ

— Наб чирагъ хІебикІалра,
Нура шалабикІулра,
Рахли хабарагарли
ХутІла шала бишалли,
ШяхІризидарс белчІахъес,
ЖагІял шула касахъес
Ухули кабурхулра,
Нугъбани кІантІбикІулра.

Вархъиуб шямван ГІяхІям:
— Ил, гъайгъайра, саби ш

ІІІІ

— Цулби хІейзули диган
Ну лебихІи вархъилзан,

Ил савли жявли алзан,
җинна мякъла тIашилзан.

ГIяшли рикIар ГIяйшатка
— Дилара лер кIел щет . . :
Ца палтарлис ца цулбас,
ЖагIял исис дабрумас.

* * *

— Лавашаб бакIахъибси
ХIякачербси набзирад
Диру хала нешли нергъ,
ХIедужис майкIуд Мурад.

— Мурад къяйда Улашра
Дигахъуси сай борщ . . .

Ъ

— Ну агарли диъ агу,
Ниъ агу, куръа агу,
Миъла удир шин агу,
Муъмис улелъа агу.

— ХIечила Муъминнизи
Ца хабар бурахъагу.

Ы

— Нуша ирги ахIенра,
Циила мешутира.
ДяхIиличиб кабулхъес
Къяшмачи диршутира.
Нуша хIусдашутира,
ТIерхъубачи хъартира.

— Жаваб леб, — викIар Жаби, —
Илдас бикIар лы

Б

— Лебра ну тетрадьлизиб,
Тетрадь леб портфельлизиб,
Балбиркус альбомлизиб,
Бархбиркус табельлизи.

— Ил хІечила дурхІнази
Бурахъа Ильяслизи.

Э

— Халати лер лихІбира,
Бихис зугъаси дехра,
Эгер къабулбикалли,
Дехла чеди кабалтас.
КаххІейалли — Эльдарра,
ХІейсалли — Эльмирзара.

— Нушалара лебхІели,
Дукира бикухІели,
Бурис: илцад дех биху
Эминхъала эм

Ю

— «Юргъаличи» мешуси
Леб у дила ну бегІси.
Юх, ну чебушибсилис
Яни хІякъян бугІярси.
Ургар хІушала ургав
Нуни ванаварибси.

— Левра, — викІар ХІясанхан, —
Дигахъис ванал юр

Я

— Сирмугуни, хивала
Хазна-напакъаличил,
Галгала къялубачиб
Нура сабра гъунарчи:
Мурдали — къуйрукъличиб,
Гъамли — жярикъутІличил.

Разириуб Зарема,
Багъурра — саби яр...

* * *

ХІурпрала ва дурхІнала
Гъибандира каберхур,
Аммаки багъираби
Дурили кахІедерхур.

ХІедурибти гІур дуру,
Яра сари хІурпрани,
Яра багъбагъигъунти
Дила дарган дурхІнани.

Букваръла гумайлизи
ХІурпри гІурра кадацІиб,
Чула школализи
ДурхІни дуцІли абацІиб.

Къалабали тикрардирuti

* * *

Мегъла мякълаб —
МакълатІис,

НухІкъадила мякълаб —
Дис.

* * *

Нушачи Шихша вашар,
Шабчи дерки арашар.

* * *

Дикъурти къурчби—
Мукълис.
ХІедикъурти—
Жалукълис.

* * *

Шуйна шел —
Гъану шура,
Гъал — нушаб,
Шел — ГІяшурас.

* * *

Вякъяр-къутІур —
Къадирлис,
Вякъяла къум —
ТІалиблис.

* * *

Лаг башуси гав бирар,
ХІебашул гавлаг бирар.

* * *

ХІявала— мявнар хІева,
Гавгъарла — вавнар хІева.

* * *

Гунерлар лер диалли,
Гудеглисра нег дирар.

* * *

Арши дикъурхІели шар —
Дуршбачи уршби башар.

* * *

Къулай-къулайиалли,
Далай бучІа Къубайли.

* * *

Мурадлизі бурасли,
Биру дила мұрадра.

* * *

Буласлис — мурталра бурт,
Бурт камбиалли — ягъурт.

* * *

Гули бурдибси гурда —
Хурла къуйрукъла мурда.

* * *

Урбеш — нешла Шешейлис,
Шабши — Шешейла нешлис.

* * *

ГІямарли ярма баргиб,
Ярмали гІяра баргиб.

* * *

Музала гелар маза,
Мазала гелав Мирза.

* * *

Мурад арку гурдани
Мурдатурли Губдани.

* * *

ГІяхІмадлис — кѣамакІучІра,
МяхІлис — мяхІярла кѣяра.

* * *

ХІяммайли муэрлизиб
Маймалаг маймайбариб.

* * *

Унзала гелаб убза,
Убзала гелав ХІямза.

* * *

КѣацІла кѣумур — Кѣадила,
Кѣибла кѣуми — Кѣадирла.

* * *

Ва абала Айбала,
Чинара хІела бала?

* * *

ЖумягІли кѣакѣажужу
Жузла бухІна кѣужбариб.

* * *

КъацІла къям —
БяхІцІа-къанцІас.
ЦІулкъяма —
КъанцІа унцас.

* * *

БатІала кІабатІра леб,
КІабатІлизиб бятІра леб.

* * *

Къирмизира Мирзара,
Къумузра Жанмирзара.

* * *

Бардаличи мурдали,
Сурдариб делхъ гурдали.

* * *

ВерхІел узила рузи
Рази лер махъилизир.

* * *

Вагъиглис варгъи барес
Валрила бала гъари?

Чина аркъулри, Гъази?

— ЧинавяхІри, Гъа-гъази.
Чайтанра чекахъили?

— Аркъусира анхълизи,
ХІерикунра бухили.

— Чи-чис саби хІерикун,
Чи лева итав хІерси?

— Неш лерси сари итар,
Дубалра хІературси.

— Анхълизиб лебу гъатІи
Не-нешлис бареси хІянчи?
— Динди челгъулра рикІи
Галгубала къяшмачи.

— Дин-диндира дирутив
Галгубала къяшмачир?
Къя-къяшми лерти галгуби
ХІедашаргу нушачир.

— Дашар. Рашидла назму
ВалкъхІеурсирив белчІес?
Неш рашар галгубачи
Киражла динди чегъес.

— Да-дашар. Аргъахъири.
БелчІунра. Леб жузлизиб.
ГІур гъатІи се леб вара
Гъазила чантайлизиб?

— Лер ишар хІябал чуду —
Картошка-диъ гъудурти.
— Ца-ца нешлис ахІену
ХІябал чуду имцІати?

— Лебтигу нешличил барх
ЦархІилтира анхълизиб.
— Гъу, илра аргъахъади ...
ГІур се-се-се илизиб?

— Лер зуйти хияртира.
Ха рикІусири буртра,
Аммаки хъабаличиб
Къу-къурмяв чеббуцира . . .

— Къурмяв сели биркъуси?
Сен дила гІердирулри?
ХІу, Гъа-гъази нушала
КъатІлизив хІерирулри . . .

ЖагІял нура аркулра
Шагъарла тухтурличи,
Ункъли бучІути дурхІни
Маъ-маъ хІебикІахъайчи.

— Вари, вари, гыммаркІуд
ХІу набчи, ХІяпиз-узи,
ХІела гъай гІердареси
Пикрилра аги набзиб.

Сен гІяхІсил, хІерагу ца,
Ваши набчил анхълизи.
Хъарбиэси ца суал
Итаб дила нешлизи.

Дила шишала хІулби
Лер—ца шиша бячунти . . .
ХІулбачи хІедиршахъес
Нешли дигІяндарибти.

— Сен-сен дигІяндарибти?
Чили сари дячунти?
— Ну телевизорличи
ХІерхІейкІахъес илдачил . . .

Илди дячунси, ХІяпиз,
Къу-къурмяв саби шилтахъчи.

— Дахъал ахІену гъатІи
Къурмявличи гІяйибти?

Нуван гъаймакІуд, Гъази,
Гъи-гъимуркІусну хІечи..
— Къурмявли уряхІдушиб
Чегахъиб хІункъаличи...

Чина дигІяндарибтил,
ХъарбиэхІе нешлизи.
...ХІукІун жагІял аркъулри
Халаси шагъарлизи...

Итаб шиша кабалта..
Гъарбизур лотерея..
ВецІну шура касира,
ВецІал дурхІнас дархъира.

— Чи-чила дурхІнас, Гъази?
Къя-къяна бурри набзи...
— Дархъаира викІулра
Ну дурхІнала фондлизи...

— Гъу гъанна аргъахъади.
ГІяхІизурри наб, Гъа-гъази...
— Калунси шел къурушра
Леб ишаб чантайлизиб.

ХІяпиз, ил шел къурушра
Гъазили лугас хІези.
— Бу-бу-рагу ца, Гъази
Халилулра ну чизи?

Шел къуруш се-се барес
Ка-кабихъири чантайзи?
— Маршакла жузла бухІнаб.
БучІаду? Лугас хІези...

— Маршакла асубирар.
Гур се-се леба гъатІи?
— Арц агарли очкибас
Шиша кабалтав гъатІи?

— Гъазизибад шел къуруш
ХІяпизли сайсув гъатІи?
ХІела хъарбаркъ бекІбарес
Набзиб цакъ агув гъатІи?

Дневникра леб бургар
Гъазила чантайлизиб,
КІи-кІилара леб бургар
Четвертьла ахирлизиб?

— ХІисабла дурсрас гІяхІил
Ну гІевваэс хІейрулра.
— ВецІалра шелра къалли
Ца-ца гІяхІил далулра ...

Маъ-маъ агарли хъули
Ну чарухъунмад, Гъази,
ХІедра ку-кумек бирис
ХІясайсван хІисаблизиб.

ХІебиалли анхълизи
ХІечил нура ляркъулра.
ХІяблизибад ца чуду
Ну-нушаб ахІенара? ..

...КІел дурхІя атхІеблизиб
Барх арбякъун анхълизи,
АтхІебли тІембикІули
БархІехъ бакІиб хъулрази ...

Барскѣа масѣала

Масѣала арзес Гѣази
Гѣазализив лев хѣулив,
Жаваб бархѣси хІякѣули,
ДурхІна-дураулхѣули.

Пѣббурахѣес, хѣарбаѣс
Хѣулир нешра агара.
Рархилигу силтІначил
Гѣаргалар хала нешра.

ХІисаблизир хиви лер
Хала нешла кѣуцурлар.
Белгили ахІен илар
Чум лерал, сецад лерал.

Хала нешли Рашидлис
ХІябал бархІи хІяб-хІябал
Лугули — хиви дедиб.
Гѣу, балас чум дирарал.

Илдицад ваѣалира
ДигІи сунес ардухиб.
Илдира дагѣес вирар.
Ца баѣІси лайра бакІиб.

Илди кІидехІцад хиви
Кали лер кѣуцурлизир.
Лерилра чум хив леррив?
Чили буру Гѣазизи?

Хиви дейгІун Гѣазили
ТІулбала кумекличил,
ДейгІун кѣаламличилра,
ПирхикІла чІалубачил.

ДекІар-декІарси жаваб
Лябкѹлигу гѹархІели . . .
Хала нешличи хІекІес
ГІямал аги илхІели.

— Ва хала неш, хала неш,
ХІелақІун кѹцури леб,
Ил хІела кѹцурлизир
Чедаира, хиви лер.

Дила хІисабла дарс леб.
Хѹулиб арзахѹес гибси,
БалхІебалас сен сабил
Набчил бахѹ жалбяхѹибси.

Гѹари, хІела кѹцури
Ха хивачил, хала неш,
Белики, акІахѹесну
Масъала арзес кункдеш.

Хала нешли кѹцури
Хили, гъала кабихѹиб;
Масъала арзес или,
ХІера, кІелра бехІбихѹиб.

— Нушаб белгили ахІен
Кѹцурлизир чум сарил,
ХІуни наб хІябал бархІи
ХІяб-хІябал лугутири.

ХІяйна хІяб-хІябал илди
КайсехІе — чум дирарал.
— Дурасиб кѹцурларад
ХІяйна хІябал — урчІемал.

— Илдицада, хала неш,
ДигІунти сар вацали.

Урчѣмал хив Гъазили
Гѣурра касиб цацали.

— Гъанна нушаб чебиркур
Чум хив лертирил багъес.
Чебиркур илабадли
Ца бацѣсира дурасес.

— Бацѣси севан балуси?
— Бацѣси бираргу кункси.—
Хала нешли дурасиб
Баргили ца хив бацѣси:

— Гъанна къалли дирехѣ
Чум хив лертирил багъес.
— Хебиалли чебиркур
Илар калунти дейгѣес.

Дейгѣун хала нешлира,
Гѣур дейгѣун Гъазилира,
Дуцѣухъун гѣела хъули:
— Бархъси жаваб баргира!

Аммаки дурсрачивад
Гъази вакѣиб хумарли.
Къуцурлизи кабихъес
Бацѣси хив — кѣила — хили.

Варгъи

Ца бархІи ВяхІид вакІиб
Дурзамла букІуначи:
— Бурсивараба нура
БукІа санигІятличи.

— БукІун ветарусила
Варгъи бируси саби
Аммаки, ВяхІид, хІела
Къакъличиб хІяка саби.

БукІунала къакъличир
Заб камдирути ахІен.
Къакъличибси хІякали
Заб тІашиути ахІен.

Нагагъ букІун ветаэс
ХІела къас леб биалли,
ВакІи, ВяхІид, нушачи
Къакъличиб варгъичевли.

— Варгъи чинаб бургуси,
Бурес асубирусив?
— Лерси сар ГІяйшат-адай
ГІяндан варгъни дируси.

ХІера, ит дубур гІелаб
ГІяндагантала ши леб.
Ил гІяндада шилизиб
Шила дублаб хъали леб.

Шила дубларси хъулир
ГІяндан ГІяйшат-адай лер,
ГІяндан ГІяйшат-адайла
ВерхІел гІяндан рурси леб.



ВерхІел гІяндан рурсила
Кулхмичерти някъбазир
Мукърачирад дялгІунти
Балала тІизани лер.

БерхІи бяхІчиси хъалчир
ГІяндан варгъни уртули,
Чубкира адилтІули,
Рурсбала хала неш лер.

Бируси гІяндан варгъи
Ванаси бетаахъес
ГІяндан ГІяйшат-адайли
БучІуси далайра леб:

—Гъу, гъари, гІяндан варгъи,
Бетай гІурра гІяхІси,
ВерхІел рузини сабри
ХІу, варгъи, гардбируси.

Балала гъарил чубкра
АрхІяла саб хІезибси,
Дурега арцла саби
Чурми хъарс-хІяршдируси.

УркІи гъаргси, чарх зантси,
Дубур-диркъа ихъуси
Дурзамла хала букІун
Сай хІу-варгъи бихуси.

Гъу, варгъи, гІяндан варгъи,
Бетай хІу ванаси;
ХІу гІяндалан ГІяйшатла
Рурсба сабри бируси!—

Укъен хІу, никІа ВяхІид,
Ил ГІяйшат-адайличи;

Балала къялшиличил,
Аркьуси сай устачил.

Ца мукъара ишбархИ
Нушала дурзамлизиб,
Сенрил кършибикили
Занзбала кьадализи,

Къялши бицІесцад бала
Илар датурли сари,
Илди балала чубки
ХІуни дургути сари.

КъяйцІухъен музурбикад —
ГІур гъуни даимбара
Илди бала даргайчи,
ГІяндала ши баргайчи.

Ши баргибмада — айцІуд
ГІяндалан ГІяйшатличи,
Варгъи бирути рурсбас
Ишгъуна далайличил:

«Ва адай, ГІяйшат-адай,
ГІяйшатла верхІел рурси,
Балала къялшиличил
ВяхІид сайра вакІибси.

БукІун ветарус ибси
УркІилизиб къасличил,
Вякъунра ну ишбархИ
Дурзамла букІуначи.

ХІенкъла букІун ветаэс
Къасбарибси дурхІяла
Варгъира бируси саб
Чубк-чурмачил архІяйла.

Набра варгъи барая,
БукІун ветарус нура,
Дубрирадли мукъара
ХІушаб лебкис нунира.

Нунира шантала шанг
ГІявали кавлахъасра,
ХІушала варгъичевли
БукІуначи аркъясра!—

ГІяндан ГІяйшат-адайли,
ГІяйшат-адайла рурсба
ВяхІидлис варгъи бариб,
ВяхІид, агъ, разивариб.

Чарухъун букІуначи
Къакъличиб варгъиличил:
— Гъанна къалли сеннира
Къабулдиркуда набчи!

— Къабуллира, къабулли,
Мешулири букІуйчи.
Ветиуд дурзамличи
Варгъила дуклумачив.

Чебиулрив — ит муза.
Муза гІелаб сага леб,
Сагала къар дугули
Мукърала дурзамра леб.

Дурзам гІяйбикІахъули
Лев итав Халид-ази:
Гушиалли — уфбирхъу
БукІуй шятІахъилизи.

Дикъулрив шятІахъила
Агурби, ВяхІид, хІуни?

Архидра Халид-азис
ХинкІира нергъра хІуни.

ХІу вакІайчи хинкІи лер
Делхъи къазан шанглизир,
ХинкІара укуд, нергъра
Дужид хІуни вахълизир.

ХІечил барх синкацада
Сунгай хяра бурхъехІе,
ХІера, илкъяйда, ВяхІид
БукІундеш дехІдирхъехІе!

ХІулукІили ВяхІидли
Варгъи майдайчи игъуб,
Варгъиличир делхъ дариб,
ВяхІид декІла ахъиуб.

Зубарчи

Хала нешла гамушли
Гудег баркъиб хІеблизиб,
ЦІуба дамгъа-зубари
Леб андала байлизиб.

Гудегла хъябла баршиб
Хала нешли гъайкІари,
Гудег бахес дихехІе
Шиниш къар, байла кІари.

Хала нешли хъарбиру
Бикахъес ил майдайчи,
Гудеглис у баргахъес
Хъаркабариб нушачи:

Дила хала узици,
Варскъа Булкъадарличи,
Хъаркабариб набчира —
Булкъадарла рузичи:

БегІмицада Разичи.
Баргира у — «Зубарчи».
Нушала хала нешра
Къабулрикиб иличи.

— Хала нешла «Зубарчи»,
Баши, баши, «Зубарчи».
Ваца рангла «Зубарчи»
Арбукая майдайчи!

«Зубарчила» гъардикІур
ЖагІял мукукурира,
«Зубарчила» кадиркур
КІантІити никубира.

Майдайчи аркухІели
Ца лехІехъира, гъари,
Зингъ-зингъбикІар сягІятван
Хъябличибси гъайкІари.

ЛехІихъур ургубара
Гудегла далайличи,
Булкъадарра Разира
Дукир сарра иличил.

Ниъли утІми дицІили
БархІехъ гамушра лябкъян,
Дубсила тарс касили
Хала неш гъала аркъян.

Хала нешли гамушла
Вана ниъли далхара,



Хала нешли гамушла
Цѳуба буртли далхара.

— Бурт ахІен — кІема саби,
КІема ахІен — нерх саби,
Иш бурт беркунти жявли
Халабиути саби!

Рархъли сари хала неш:
Жявли халадиулра.
Сецад халадиулрал
Ахтардира бирулра.

Булкъадар халаваиб
Ца жумягІли — ца чІимла,
БекІ абаиб дилара
Някъдурцличи унзала.

Хала неш рикІусиван,
Гамушла буртлизибра,
Гамушла ниълизибра
Бургар илцад гъунарра.

Хала нешли гамушла
Ниъли далхулра нуша.
Хала нешли гамушла
Буртли далхулра нуша.

Гегуг

Дуги гегуг бакІили
Кабииб галгаличи,
Савли гегугбикІули
Дугъабизур шиличи.

БакІирив, хІебла бархкъя,
Хашкелди, майла уртахъ!
ХІу сунези бакІибмад,
Шинишбирар шила анхъ.

Вавнадирхъур галгуби,
Къукъуиру, заб диру,
ЗурхІябли музаличиб
Арсавар гуми биру.

ГегугбикІен, эй гегуг,
Мер-муса хъумхІертурси,
ХІебла хІулкІути дяхІлис
Цаагили булгуси.

ХІу лебхІели ургуба
Ранг жагали кабилзан,
ХІела тІамала лугІи
БейгІес дурхІни тІашбилзан.

Къубайла къаякъ

Кагъарла кІапІи касиб
Забла гІергъи Къубайли,
Къалаба-къалабали
Къаякъ бариб Къубайли.

Забла биштІаси хІеркІ леб
Юртла мякълаб кабухъи,
Къадалаб варачайзи
Цалабикес дуцІбухъи.

ГІегІбергурли шалбарра,
Дабри агарли Къубай



Забла дуцІси хІеркІличи
Хъуливад дуцІухъи сай.

Унрубала дурхІнази
ТІамаливиркъули сай:
— Дила къаякъ чебаэс
Дашира! — викІули сай.

БакІайчира тІашхІейзур:
Кагъарла цІуба къаякъ
Шинна чеди кабиxъиб;
ХІеркІли къаякъ гъабяxъиб.

— Каспилизи кабаи,
ЧебмабулкІада гъуйчиб,
Дила бялиxъчи дудеш
Лев илав гамиличив.

Къубайли барxъибсира
Или бура адази!
Къаякъ хІеркІли бааxъиб
Къадала варачайзи.

Биуру урхъулизи?
Къубай викІар дурхІнази:
— Дудешличи барxъира
Нуни къаякъ урхънази!

Дила хала дудеш лев

Хала дудеш ишбархІи
АрхІякъун архІяличи,
Саби хІевзуси бархІи,
Ил хъулив калун набчил.



—Гурра дурдили вара—
ХІеризур дабриличи.
Кабиркуси къячІара
Дебабариб гІябуйчил.

— ИсехІе сагатира —
Майла байрам бакІайчи . . .—
Гъаргалаб дила бекІра
ЧІянкІбариб мутІрусличил.

— АтхІеб сари сагати,
Гъезра ляркъян жагати,—
ГІур масхара чебатур,—
Къядгалаван зумати . . . —

Сунечи шин чертІули,
Бирциб сапуйчил бекІра.
Нургъби гъардакІиб дила,
РурцІесдииб хІулбира.

—Селра хІебирар,—викІар
Суркмадирид някъбачил,
Мешуси леври къалли
ХІу хІела дудешличи . . .

ХІела дудешра муртрил
Сапуйзивад урухкІи.—
Хала дудешла муцІур
ДяхІлизи гилдибикІи.

ХІери гІергъи дякъунра
Нуша ургубализи,
Сагала гІинизла шинра
Ишар держахъиб набзи.

У гІинизлис бихъибси
Саби хала дудешла,

ХІурхъиван хІяниубси
Дила хала дудешла.

ЖагІял гумира биру,
МархІябира удалта,
Наб хабуртира дуру,
Антеннара тІашбалта.

Рангла телевизор леб
Шабагъатлис бедибси,
Дила хала дудеш сай
Шанти шадли бихІуси.

Учитель сай. АрхІявкъи
Левал пенсияличи,
Бурсибиру шан дурхІни
ХІянчи-бузериличи.

Бурсибиру илини
Трактор бикахъесра,
Барда-къякъ дузахъесра,
ГІяхІбаркъцун бирахъесра.

Хала дудеш ишбархІи
АрхІявкъун хІянчиличи.
ХІевзуси бархІи саби,
Абзур бархІи сай набчил.

Уста дудешла урши

НухІкъадила къякъра леб.
Лер бардара гІяблира.
ГІяйнибси ца гІямзилар
Лер хъитІара уркълира.

Дураб дуги барили
Леб цаибси дяхІира,
ЦІухІбулхъличиб кабулхъес
Шаб леб бялхъя дурхІнира.

Гъяймира лер дурхІнала.
Агара НухІкъадила,
Гъяй барес вализалли—
Гъарбилзану илала?

Гъарбилзанну, НухІкъади,
Каса, гъари уркъули,
Каса гІябли, каса рас,
Каса — уруххІекІули.

Уста дудешла урши
Виъмайъаб гъяй агарси.
ЦІухІбулхъ цІухІбулхъ бирару
НухІкъади кахІелхъуси?

Нуни бялихъ буцира

Нуни бялихъ буцира
У агарси хІеркІлизиб.
Нуни бялихъ буцира
АтхІебла савлилизиб.

Шинкъакула Къаדיнай
Илис сазан саб викІи,
ХІенкъула ГІябдулкъадир
Карпгъуна саби викІи.

Чили гІяйиб баралра
Се сабилра хІебалас,
Аммаки бялихъ биъни
ХІябилра гІяхІил балас.

СенкІун хала дудешли
Илдигъунти хибтири,
МяхІячкъалализивси
ГІяштан гІяхІяй гибтири.

Ил гІяштІан гІяхІял викІи
Капитан сай гамила
«Дарган» ибси уличил
Гамира теб илала.

Гами гІяяр арбику
Капитай урхъуличи,
Бялихъчиба тур иргъу
Урхъула ругертачи.

Бялихъуна бицІили
Чарбулхъан гамиличи,
Портлизи гами лябкъян
Урхъула давлаличил.

Дудешли хибти илди
Дерубтири, зуйтири,
Гъаргала гарасличи
Илди сурдатуртири.

Гарасличирад илди
Сенрил пяхІли детахъиб.
Дудеш викІи: — Гурдахъай
Илди ардухес бакІиб!—

Нушала къадалабси
У агарси хІеркІлизиб
Нуни бялихъ буцира
АтхІебла савлилизиб.

Чилилра хІейрухІели
Ил бялихъла у багъес,



Чебуркѣуб чарбарили
Ил хІеркІлизи бархѣаэс.

КѣацІ

КѣацІла хѣмимихъ кабикиб
Кѣадила някѣлизибад,
ГІяшиубли ахѣбуциб,
Багълали кѣакла бухиб.

Гѣандикиб дудешла гѣай:
—ЦІулхІела хІурмат бирен!—

Кѣакѣализиб Кѣадини
КѣацІла бутІа чебаиб,
Чилирил лайбакІибси,
Чилирил ганзбарибси.

Кѣадили кѣацІла бутІа
ГІяшиубли ахѣбуциб,
Ил чякнази бергахѣес
Дубхѣиличи кабихѣиб.

Гѣандикиб дудешла гѣай:
—КѣацІла дурхѣадеш бален!—

Гушиубли чарухѣун
Кѣади ца бархІи хѣули,
Гушиублира хІеиб
Нешличи хІерикІули.

Кѣадили гІяхІил бала
Сай кѣацІли валхни нешли,
Неш кабихѣибси кѣацІ
Даим муриси бирни.

Гъандикахъиб нешла гъай:
— КъацІ сархуси адам сай.
КъацІла кымат балуси
Адам — ил чевяхІси сай!

**ДурхІнала неш гІярара
гІяяркья хъунцІбар
бецІра**

Хабар

Пукьалар вецІал дурхІя
Даркьиб гъачам гІярали,
ЦархІилта чІянкІли шелцун
ГъархІели диркьухІели.

ГІяра-неш, агъ, хІулбукІиб,
Делхълизи дурабухъун.
Ниъ дакІахъес беркеси
Баргес гІяра арбякъун.

Хапли гъуйчиб жугъан бецІ,
ДурхІни хІедиркъуси бецІ,
ГІяяркья бетаурли
ГІямру дуркІуси хъанцІ бецІ

Цугбикиб тупангличил,
Гъимичерти хІулбачил,
БахъхІи ав хІебикили
ДецІ бухІнаси авличил.

Лишанасиб хъунцІбарли:
Шянкьясахъиб гІярачи,

ДурхІнала нешли аргъиб—
Балагъ лѣбкъни сунечи.

Нургъби гъардаклахъили,
БикІар ил хъунцІбарлизи:
— Даркъили вецІал дурхІа
Лер дила пукъализир.

Дурубухъунсира ну
Нильличил хъули бакІес.
Батаба хъули букъес,
ДурхІни гъачам дахахъес.

Илди гъачамцун дахи,
Нешла нильла муридеш
ДурхІнази багъахъурли,
Бирус хІечи чарбухъес.

ХІед дигуси мерличи,
Бирхаи, лѣбкъяс хІечи,
ТІашбилзас хІербикІули
Тупангла хІяраличи . . .

ГІяяркъяна бецІ бикІар
Кахбиубси гІярази:
— Балтари — чедаахъа
Лерилра дурхІни набзи!

ХъунцІбар бикІуси бариб,
ДурхІнира чедаахъиб,
Саби беркесилигІеб
ВацІализи кІунбацІиб.

Чарбухъун, дурхІни дахун,
ДигІяй бикІар илдази:
— ДигІяндикая хІуша
Хъярхъ-хъярхъли къадубази.

Вария къасбарая
ДикхІейкес хъанцІ бецІлизи,
Агарси саб уркІеци
ХІушачи хъунцІбарлизиб!

Илала гІергъи бакІиб
ХъунцІбар бецІличи гІяра:
— Чебуца гъанна набчи
ХІела тупангла хІярхІя!

ХІяжар бецІли пІянкъбариб,
Пякъир гІяра geraиб.
ГІяяр гъарбизур или
ХъунцІбарли пикрибариб.

— ГІярала вецІал дурхІя
ЖагІял даргхІедаргасли,
Кадуршисра илдира
Нешлисван къяйкбарили . . .—

ГІярачил хъунцІбар бакІиб
БуцІала гумаилизи,
ГапбикІар ишар лерти
Ил буцІала дурхІнази:

— Агъ, хІябилра гъарбизур
ИшбархІи дила архІя,
ВецІал дурхІяла нешлис
Савгъатбарра ца хІярхІя.

Гумаилаб бецІла дурхІна
ГІяйиб бариб иличи:
— Тупанг ахъбурцув гъатІи
ДурхІни лерси нешличи!?

Илизиб диъ агара,
Гули пайда агара.—

—ВеџІал дурхІяра хили
Чарбулхъас ну жагІялра!

Илди дугъби дурибмад.
ХъунџІбар хапли кабикиб.
Кабикибмад гумаЙлаб
Иличи хІял чебакиб.

Хъярхъли буџІала дурхІни
ДуџІдухъун нешаначи,
ДакІиб буџІала дурхІни
Бусрав-тиладиличил:

— Пякъир гІярала дурхІни
ЦІуръадиубли сари,
ГІярала веџІал дурхІя
Сарицун кали сари.

ХъунџІбарли пІянкъбарили
Неш кабушили саби,
Илди къадуби-ургар
Сарицун гушли сари.

Ниъ дихая, аркъяхІе
Илди дахес бусягІят!
...Неш-буџІа ниъли диџІиб
Хъярхъли хъабни илсегІят.

БеџІла кеџІни дуџІли сар
Ниъли диџІиб хъабначил,
Ляркъули сари илди
ГІярала цІуръабачи.

ДакІили хІердикІалли —
ЦархІил гІярми илдачил,
Ниъли далхули дурхІни
Илдани къайгъиличил.

БецІла дурхІни илхІели
Агъ, хІябилра хІулдукІиб.
Ниъла хъабни датурли
Чула гумайла дакІиб.

Гумайлизиб гербухъи
ГІяяркъя бецІ лебалри,
ХІял бакІни чебаркъулри,
Ил тиладибикІулри:

—Къалабали дукъена
Тухтур синкахъайличи,
БубкІулра, бакІахъая
Ил набчи дармунтачил...


ЛехІихъуси агара,
Гъанна чилра иличи.
БиштІал ца бецІла дурхІя
Гъамбиуб хъунцІбарличи.

ГІяяркъязибад тупанг
Кебасили илхІяйзиб,
ХІяра буцили игъуб
Мякълабси шарализи.

Лер нушала унраличир

Телевизор бусаайчи
Русазс хІейгуси Кумси
Лер нушала унраличир —
Иличила се буруси?

Нешличил ил жалтариркъур—
Телевизор тІашаалли,



Рисули хІяшкълизи риркур,
Дурсри дарес хъумкартурли.

Мультикуни жявлил керхур,
«Ну, погодира» арбякъун.
Хоккейра нешлис анцІбукъун,
Амма Кумсис анцІхІебукъун.

СецадхІи бузахъаллира —
ХІеррикІес дигули сари,
Неш жявлил русаи сари,
Кумси диванничир сари.

Киноличира хІеррикІи,
ХІулби гъанкІли дицІибкъира.
Илкъяйда сабригу дагра,
Илкъяйда саб ишбархІира.

Дурсри савли дучІас, рикІар.
Селра хъархІебариб, рикІар.
Амма савли ил релхІахъес
Неш илизи бусраврикІар.

Циила ратаба, рикІар
ХІулбази някъба суркрикІар.
ВайтІа чебиулра, рикІар
Наб хІулби асая, рикІар.

Вайбухърариб нешли Кумси,
Гъанна илис се бируси?
Телевизор букъбулъусив,
Чили гІякълу гІеббуруси?